



Na osnovu člana IV. stav 1. tačka 1.9 Odluke Skupštine Kantona o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, broj 9/06. 15/07, 35/12 i 29/15), člana 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21, 13/22, 21/24, 10/25 I 6/26) i člana 12. Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), a u skladu sa Odlukom o usvajanju godišnjeg plana objavljivanja javnih poziva dodjele transfera neprofitnim organizacijama i pojedincima za finansiranje i sufinansiranje aktivnosti programa i projekata za 2026. godinu broj: 06-11-18017-2/26 od 20.05.2026. godine, ministar za boračka pitanja Kantona Sarajevo r a s p i s u j e

JAVNI POZIV

za podršku projektima pisane riječi sa tematikom iz perioda odbrambeno-oslobodilačkog rata 1992-1995. godine za 2026. godinu

I Predmet javnog poziva

Predmet javnog poziva je raspodjela sredstava iz Budžeta Kantona Sarajevo za 2026. godinu, razdjel Ministarstvo za boračka pitanja Kantona Sarajevo za realizaciju projekta „Pisana riječ u funkciji da se ne zaboravi 1992-1995.“, a u skladu sa Odlukom Skupštine Kantona o usvajanju projekta „Opsada i odbrana Sarajeva 1992-1995. godine“ („Službene novine Kantona Sarajevo“, broj 9/06. 15/07, 35/12 i 29/15). Pisana riječ osim knjiga, monografija i drugih pisanih djela obuhvata i ostale forme radova (audio i video djela i drugo).

II Svrha i cilj dodjele transfera

Svrha dodjele transfera pojedincima i udruženjima po ovom Javnom pozivu je njegovanje kulture sjećanja na period odbrambeno-oslobodilačkog rata 1992-1995. godine kroz projekte pisane riječi i naučno-istraživačke djelatnosti. Cilj ovog Javnog poziva jeste očuvanje tekovina odbrambeno-oslobodilačkog rata 1992-1995. godine kroz razvoj i afirmaciju aktivnosti od interesa za boračku populaciju građana Kantona Sarajevo.

III Sredstva za implementaciju

Sredstva za implementaciju po ovom Javnom pozivu obezbijedena su u Budžetu Ministarstva na ekonomskom kodu 614300 DAN029 „Projekat „Opsada i odbrana Sarajeva 92-95“ (program DAN0292 – pravna i fizička lica koja njeguju tekovine odbrambeno-oslobodilačkog rata) u iznosu od 100.000.00 KM. Ministarstvo za boračka pitanja Kantona Sarajevo zadržava pravo da navedeni iznos umanja ili uveća u zavisnosti od broja prijava i obima aktivnosti, te eventualnog usmjerenja



sredstava u duge namjene (uz saglasnost Vlade Kantona Sarajevo). Pojedinačni iznosi po pojedinom korisniku sredstava bit će utvrđeni po provedenoj proceduri obrade aplikacija.

Udruženja i pojedinci kojima sredstva budu odobrena po ovom Javnom pozivu su dužna ista iskoristiti u omjeru utvrđenom od strane Vlade Kantona Sarajevo Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21, 13/22, 21/24, 10/25 I 6/26), (u daljnjem tekstu: Uredba) i to:

- a) maksimalno do 30% odobrenih sredstava za administrativne troškove,
- b) minimalno 70% odobrenih sredstava za projektne aktivnosti.

Udruženja i pojedinci su obavezni nakon realizacije odobrenih projekata ili aktivnosti dostaviti izvještaje o namjenskom utrošku odobrenih sredstava. Izvještaji se podnose na propisanim obrascima opisnog (programskog) i finansijskog izvještaja. Svi troškovi prikazani u obrascu moraju biti obrazloženi, te praćeni odgovarajućom dokumentacijom. Rok za dostavu izvještaja je 15 dana od dana okončanja projekta ili aktivnosti, a rok za okončanje projekta je najkasnije do kraja godine za koju se dodjeljuju sredstva.

Neprihvatljivi troškovi koji se ne mogu finansirati i sufinansirati dodijeljenim sredstvima odnose se na troškove koji nisu predviđeni budžetom projekta korisnika sredstava, troškovi koji nisu odobreni strukturom troškova iz potpisanog ugovora i troškovi koji su nastali prije odobravanja sredstava po ovo javnom pozivu.

Troškovi koji se mogu finansirati dodijeljenim sredstvima po ovom Javnom pozivu odnose se na troškove (administrativni i direktni) koji su vezani za realizaciju projekta sa kojima su udruženja i pojedinci aplicirali, za koji su odobrena sredstva ugovorom, a koji su iskazani u Obrascu Budžeta projekta.

Obzirom na period objave Javnog poziva, te činjenicu da se budžetski prihodi ne ostvaruju planiranom dinamikom, a da je Zakonom o izvršavanju Budžeta Kantona Sarajevo za 2026. godinu („Službene novine Kantona Sarajevo“ broj 52/25) u članu 8. precizirano i da „Budžetski korisnici ne mogu stvarati obaveze iznad iznosa odobrenog operativnog budžeta putem operativnih planova za tog budžetskog korisnika“, odnosno da se odluka o odobravanju može donijeti samo i u skladu sa operativnim sredstvima, preporučujemo da se kandiduju projekti čija se realizacija može planirati u zadnjem dijelu godine.

IV Pravo učešća

1. Pravo učešća po ovom Javnom pozivu imaju pojedinci, pripadnici braniteljske populacije, kantonalna boračka udruženja i savezi i druga boračka udruženja, nevladine organizacije i neprofitne organizacije, fondacije, zaklade, instituti, sportska udruženja i klubovi, organizatori sportskih i drugih manifestacija sa određenim društveno-korisnim ciljem i udruženja koja njeguju tekovine odbrambeno-oslobodilačkog rata 1992.-1995. godine, (u daljnjem tekstu: udruženja) koji za sredstva iz Budžeta apliciraju u svrhu finansiranja i sufinansiranja projekata pisane riječi koji su od interesa za očuvanje tekovina odbrambeno-oslobodilačkog rata 1992-1995. godine.
2. Pravo učešća po ovom Javnom pozivu nemaju pojedinci i Udruženja koji su u proteklom periodu aplicirali na objavljene javne pozive u Ministarstvu, potpisali Ugovor o dodjeli sredstava, a zatim:



- doznačena sredstva nisu iskoristili namjenski, za odobrene projekte u skladu sa Odlukom o prihvatanju projekata pisane riječi sa tematikom Pisana riječ u funkciji da se ne zaboravi 1992-1995.godine;
- sredstava odobrena za projekte nisu iskoristili u omjeru utvrđenom od strane Ministarstva finansija Kantona Sarajevo u Obrascu narativnog i finansijskog izvještaja i to: maksimalno do 30% odobrenih sredstava za administrativne troškove i minimalno 70% odobrenih sredstava za projektne aktivnosti,
- nakon realizacije odobrenih projekata ili aktivnosti nisu blagovremeno dostavili izvještaj o namjenskom utrošku odobrenih sredstava i o realizaciji projekta shodno obrascima koji su objavljeni uz Javni poziv na web stranici ministarstva.

V Kriteriji za učešće

Aplikanti podnose pismene zahtjeve za finansiranje/sufinansiranje iz Budžeta Kantona Sarajevo za realizaciju projekata i programa od interesa za očuvanje tekovina odbrambeno-oslobodilačkog rata 1992.-1995. godine sa dokazima o ispunjavanju općih i posebnih kriterija navedenih u Uredbi i Pravilniku o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), (u daljnjem tekstu: Pravilnik).

Opći kriteriji su:

- a) upis u odgovarajući registar iz kojeg je vidljivo da je sjedište aplikanta na području Kantona Sarajevo i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva (za Udruženja),
- b) Prebivalište na području Kantona Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje prava (za autore-pojedince),
- c) uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključivali ugovore),
- d) uredno ispunjavanje obaveza poreza i doprinosa,
- e) da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela,
- f) Program rada za tekuću godinu sa obrazloženjem;
- g) Finansijski plan za tekuću godinu;
- h) Bilans stanja, bilans uspjeha, ovjereni sa vidljivim pečatom nadležne agencije za finansijsko poslovanje

Posebni kriteriji su:

- a) usklađenost ciljeva, programa ili projekta sa ciljevima i prioritnim oblastima iz strateških dokumenata iz kojih su izvedeni prioriteti za dodjelu sredstava;
- b) organizacijski i finansijski kapaciteti podnosilaca prijave;
- c) dosadašnje iskustvo podnosilaca u provođenju istog ili sličnih aktivnosti/programa/ projekata;
- d) učešće drugih partnera u realizaciji i njihovi kapaciteti i dosadašnje iskustvo;
- e) kvalitet planiranih aktivnosti i metode provođenja, te njihova povezanost sa problemima koji su bili osnov za utvrđivanje prioriteta, a koji se nastoje riješiti provođenjem aktivnosti/programa/projekta;
- f) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se



- traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata razrađeni po izvorima finansiranja, indirektni troškovi provođenja aktivnosti/programa/projekata;
- g) informacije o rizicima i mogućim problemima u provedbi aktivnosti/programa/projekta;
 - h) održivost aktivnosti/programa/projekta (obim u kojem će se rezultati provedenih programa i projekata nastaviti koristiti od strane krajnjih korisnika);
 - i) uticaj aktivnosti/programa/projekata, odnosno koje se promjene očekuju od njihovog provođenja;
 - j) projekti očuvanja i njegovanja tradicije oslobodilačkog rata, tradicionalnost, ugled i interes javnosti, a koji se odnose na obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo“; i
 - k) aktivnosti i programi koji doprinose afirmaciji i njegovanju tradicije odbrambeno - oslobodilačkog rata.

VI Dokumentacija koju je potrebno dostaviti:

1) Udruženja i neprofitne organizacije

Sredstva se dodjeljuju na osnovu Javnog poziva koje raspisuje Ministarstvo, a podnosilac prijave dostavlja sljedeću dokumentaciju:

- a) Obrazac prijave na Javni poziv za podršku projektima Pisane riječi sa tematikom iz perioda odbrambeno-olobodilačkog rata 1992-1995. godine za 2026. godinu (koji se preuzima na web stranici Ministarstva);
- b) Popunjen, potpisan i ovjeren Obrazac za prijavu projekata pisane riječi Ministarstvu za boračka pitanja Kantona Sarajevo (koji se preuzima na web stranici Ministarstva);
- c) Obrazac budžeta projekta udruženja za ostvarivanje sredstava za finansiranje/sufinansiranje projekta pisane riječi, potpisan i ovjeren od strane podnosioca prijave (preuzima se na web stranici Ministarstva);
- d) Rješenje o registraciji od nadležnog organa sa zadnjim izmjenama podataka (ovjereni fotokopija u vrijeme podnošenja zahtjeva) iz kojeg je vidljivo da je sjedište aplikanta na području Kantona Sarajevo;
- e) Izvadak iz Registra udruženja izdato u vrijeme podnošenja zahtjeva;
- f) Akt (Rješenje o registraciji ili osnivački akt) iz kojeg je vidljivo područje djelovanja koje je u skladu sa prioritetima za koje se dodjeljuju sredstva (ovjereni fotokopija ne starija od 3 mjeseca);
- g) Uvjerenje o poreznoj registraciji (ID broj) (ovjereni fotokopija ne starija od 3 mjeseca);
- h) Uvjerenje o izmirenim poreskim obavezama (original ili ovjereni fotokopija, Uvjerenje ne starije od 30 dana od dana objavljivanja Javnog poziva);
- i) Uvjerenje o izmirenim porezima i doprinosima za zaposlenike (ukoliko ima zaposlenika) (original ili ovjereni fotokopija, Uvjerenje ne starije od 30 dana od dana objavljivanja Javnog poziva);
- j) Lista osiguranika izdata od strane Porezne uprave (original ili ovjereni fotokopija, Lista ne starija od 30 dana od dana objave Javnog poziva);
- k) Izjava da se protiv podnosioca prijave, odnosno svih lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (ovjereni od strane nadležnog općinskog organa);



- l) Bilans stanja i bilans uspjeha za prethodnu godinu ovjereni od strane nadležne ustanove;
- m) Narativni izvještaj za prethodnu godinu - tekstualni opis provedenih aktivnosti;
- n) Finansijski izvještaj o utrošku sredstava za projekte odobrene u prethodnom periodu na propisanim obrascima dostavljeni shodno ugovorenim obavezama po prethodno zaključenim ugovorima (dostavlja se dokaz ili referenca na ranije dostavljeni izvještaj – kopija pratećeg akta izvještaja i slično.)
- o) Program rada i Finansijski plan za tekuću godinu sa obrazloženjem;
- p) Ako postoji partner na projektu dostaviti Izjavu o partnerstvu popunjenu i ovjerenu od strane partnera na projektu iz koje je vidljiv iznos sredstava sa kojima će isti sufinansirati projekat (preuzima se na web stranici Ministarstva);
- q) Izjava kojom korisnik sredstava (prihvata) potvrđuje saglasnost da se podaci sadržani u ugovoru o dodjeli transfera unesu u Registar transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo, te da isti budu javni i transparentni (preuzima se na web stranici Ministarstva);
- r) Izjava ovjerena od nadležnog organa da do dana objave javnog poziva podnosioci zahtjeva nisu/jesu ostvarili sredstva iz drugih izvora finansiranja i sufinansiranja za projekte pisane riječi kojima su aplicirali po Javnom pozivu (preuzima se na web stranici Ministarstva), odnosno da ne postoji dvostruko finansiranje i sufinansiranje za aplicirane projekte. Ukoliko jesu ostvarena sredstva iz drugih izvora za finansiranje dijela projekta, isto mora biti obrazloženo.
- s) Izjava odgovornog lica Udruženja da je Udruženje u skladu sa Statutom Udruženja i Zakonom o udruženjima i fondacijama („Službene novine Federacije Bosne i Hercegovine“ broj 45/02) redovno održavalo skupštine Udruženja, da je skupština Udruženja redovno odlučivala o razrješenju i imenovanju članova organa upravljanja i ovlaštenih lica za zastupanje i predstavljanje udruženja, da je mandat članova organa upravljanja i lica ovlaštenih za zastupanje aktivno legitiman da poduzimaju radnje u ime i za račun udruženja.
- t) Izjava o realizaciji projekta (preuzima se na web stranici Ministarstva);
- u) Izjava o uspješnosti prethodno realizovanih projekata (preuzima se na web stranici Ministarstva);
- v) Ovjerena fotokopija ugovora o otvaranju transakcijskog računa.
- w) U toku samog Javnog poziva, Ministarstvo može tražiti i drugu dokumentaciju iz koje je vidljivo ispunjavanje općih i posebnih uvjeta i kriterija propisanih Uredbom i pravilnikom.

Udruženje koje nema uposlenih i neizmirenih obaveza po tom osnovu može dostaviti ovjerenu izjavu kod nadležnog organa, da nema uposlenih i neizmirenih obaveza kojom to potvrđuje, te nije dužno dostaviti akte navedene pod tačkama i) i j).

Udruženje koje je registrovano u prethodnoj godini, a nakon registracije nije imalo drugih promjena na svom računu osim uplate redovnog depozita, nije dužno dostaviti izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini. Ovakvo udruženje dužno je obavijestiti FIA-u o tim činjenicama podnošenjem Izjave o neaktivnosti za prethodnu godinu. Ovjerenu fotokopiju navedene Izjave kod nadležnog organa, a koja je zaprimljena od strane FIA-e, udruženje je dužno dostaviti po predmetnom Javnom pozivu.

2) Autori – pojedinci



- a) Obrazac prijave na Javni poziv za podršku projektima Pisane riječi sa tematikom iz perioda odbrambeno-olobodilačkog rata 1992-1995. godine za 2026. godinu (koja se preuzima na web stranici Ministarstva);
- b) Popunjen i potpisan Obrazac za prijavu projekta pisane riječi Ministarstvu za boračka pitanja Kantona Sarajevo (koji se preuzima na web stranici Ministarstva);
- c) Popunjen i potpisan Obrazac budžeta projekta udruženja za ostvarivanje sredstava (koji se preuzima na web stranici Ministarstva);
- d) Uvjerenje o kretanju za podnosioca zahtjeva (Izdaje Sektor za građanska stanja ili Policijska uprava po mjestu prebivališta, ovjerena kopija ili original, ne starija od tri mjeseca);
- e) Izjava pojedinca da jeste/nije ostvario pravo na finansiranje iz drugih izvora ili drugih nivoa vlasti za aplicirani projekat (ovjerena kod nadležnog općinskog organa);
- f) Izjava o realizaciji projekta (preuzima se na web stranici Ministarstva);
- g) Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (ovjerena od strane nadležnog općinskog organa).
- h) Izjava o uspješnosti prethodno realizovanih projekata (preuzima se na web stranici Ministarstva);
- i) Izjava kojom korisnik sredstava (prihvata) potvrđuje saglasnost da se podaci sadržani u ugovoru o dodjeli transfera unesu u Registar transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo, te da isti budu javni i transparentni (preuzima se na web stranici Ministarstva);
- j) Dokaz da je blagovremeno dostavljen izvještaj o utrošku sredstava za projekat odobren u prethodnoj godini (dostavlja se dokaz ili referenca na ranije dostavljeni izvještaj - kopija pratećeg akta i slično);
- k) Uvjerenje da podnosilac zahtjeva nije evidentiran kao poreski obveznik;
- l) Dokaz o pripadnosti boračkoj populaciji (obrazac FMB3-a, Uvjerenje izdato od nadležne općinske službe i Rodni list trajnog karaktera/vjenčani list kojim se dokazuje veza sa nosiocem prava ukoliko se radi o članu porodice).
- m) Ovjerena fotokopija ugovora o otvaranju transakcijskog računa.

Naprijed navedena dokumentacija treba biti dostavljena u štampanoj formi (orginal ili ovjerena kopija) i poredana po naprijed navedenom redoslijedu. Elektronski, na CD-u ili USB-u, dostavljaju se popunjeni Obrazac za prijavu projekata pisane riječi i Obrazac budžeta projekta za ostvarivanje sredstava za finansiranje/sufinansiranje projekta pisane riječi.

VII Obrada prijava i izbor korisnika

Za obradu prijava po Javnom pozivu za podršku projektima pisane riječi sa tematikom iz perioda odbrambeno-oslobodilačkog rata 1992-1995. godine, ministar Rješenjem imenuje Komisiju.

Komisija ima zadatak, u skladu sa propisanim kriterijima i procedurama utvrđenim Uredbom i Pravilnikom, da izvrši evaluaciju i bodovanje prispijelih prijava, sačini Prijedlog odluke o dodjeli transfera neprofitnim organizacijama i pojedincima za finansiranje i sufinansiranje projekata pisane riječi i Listu podnosilaca prijava čije su prijave neblagovremene, nepotpune i neuredne, te iste dostavi ministru.

Odluku o dodjeli sredstava za finansiranje i sufinansiranje projekata neprofitnim organizacijama i pojedincima, donosi ministar.



Objavljivanje rezultata javnog poziva vrši se na internet stranici Ministarstva. Ministarstvo je obavezno u roku od 15 radnih dana od dana objavljivanja rezultata, pismeno obavijestiti podnosiocima čije prijave nisu prihvaćene za finansiranje i sufinansiranje, navodeći razloge odbijanja prijave. Svi podnosioci prijave imaju pravo na izjavljivanje prigovora, osim ako je prijava odbijena kao nepotpuna, neblagovremena i neuredna. Prigovor se izjavljuje u pisanoj formi ministru u roku od sedam dana od dana dostavljanja pismene obavijesti podnosiocu čija prijava nije prihvaćena za finansiranje i sufinansiranje.

Ministarstvo sa odabranim korisnicima zaključuje ugovore o dodjeli sredstava, nakon čega će se sredstva doznačiti na transakcijske račune korisnika, na način definisan ugovorom.

VIII Mjere za sprečavanje sukoba interesa

Mjere za sprečavanje sukoba interesa najmanje uključuju da predsjednik, član i sekretar komisije uključeni u postupke dodjele transfera:

- a) nije lično i/ili članovi njegove porodice (bračni ili vanbračni drug, dijete ili roditelj) nisu zaposlenici, članovi upravnog tijela ili rukovodioci kod podnosioca prijave,
- b) nije povezan na bilo koji način sa podnosiocem prijave ni kod drugih lica (partnerski odnos u provođenju programa i projekata i sl.),
- c) nema materijalni ili nematerijalni interes u odnosu na javni interes i to u slučajevima porodične povezanosti, ekonomskog, političkog ili drugog zajedničkog interesa.

U slučaju utvrđenog sukoba interesa, bilo po izjavi lica uključenih u dodjelu sredstava ili po zaprimljenoj prijavi od strane drugih lica, ministar odlučuje o načinu upravljanja sukobom interesa, odnosno svaki član komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

IX Zajedničke odredbe

1. Primaoci finansijske podrške za realizaciju programa ili projekta koji nisu blagovremeno dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata.
2. Program utroška sredstava iz Budžeta putem dodjele transfera finansiranja i sufinansiranja projekata neprofitnih organizacija i pojedinaca, Obrazac za prijavu projekata, Obrazac budžeta projekta udruženja, Obrazac finansijskog izvještaja o utrošku sredstava i Obrazac opisnog (programskog) izvještaja o utrošku sredstava, koje treba primjenjivati prilikom izrade izvještaja o utrošku dodijeljenih sredstava, Obrazac okvirnog finansijskog plana i programa rada udruženja nalaze se na web stranici Ministarstva (mbp.ks.gov.ba).
3. Obrasci izjava za udruženja i neprofitne organizacije pod tačkama k), q), r), s), t), u) te obrasci izjava za autore - pojedince pod tačkama e), f), g), h) i i) mogu se preuzeti na web stranici ministarstva (mbp.ks.gov.ba), a trebaju se ovjeriti kod nadležnog općinskog organa.
4. Sredstva nominalno odobrena Budžetom će se doznačavati udruženjima i pojedincima u cijelosti na način propisan Ugovorom o dodjeli sredstava.
5. Sredstva odobrena po osnovu ovog Javnog poziva se moraju iskoristiti namjenski.
6. Nepotpune, neblagovremene i neuredne prijave neće se uzimati u razmatranje.
7. Skraćena verzija Javnog poziva objavljuje se u jednim dnevnim novinama, a cjeloviti tekst Javnog poziva na službenoj web stranici Ministarstva za boračka pitanja Kantona Sarajevo.



8. Dodatne informacije vezane za Javni poziv mogu se dobiti putem telefona: 033 562 273 ili na e-mail: mbp@mbp.ks.gov.ba.
9. Rok za podnošenje prijave po ovom Javnom pozivu je 15 dana od dana objavljivanja u dnevnim novinama, odnosno zaključno sa 07.07.2026. godine.
10. Prijave sa potrebnom dokumentacijom dostaviti isključivo poštom na adresu uz naznaku "Prijava na javni poziv – Pisana riječ za 2026. godinu":

**Ministarstvo za boračka pitanja Kantona Sarajevo,
ulica Reisa DŽ. Čauševića br. 1,
71000 Sarajevo**

Broj: 06-11-31540/26
Sarajevo, 19.06.2026. godine

